

ქალაქ თბილისის მუნიციპალიტეტის

საკრებულოს თავმჯდომარეს

ბატონ გიორგი ალიბეგაშვილს

ქალაქ თბილისის მუნიციპალიტეტის საკრებულოს

წევრის ილია ჯიშკარიანის

2017 წლის ანგარიში

ილია ჯიშკარიანი - ქ. თბილისის მუნიციპალიტეტის საკრებულოს მაჟორიტარი წევრი, საკრებულოს ფრაქცია „თბილისელები“, ფრაქციის თავმჯდომარის მოადგილე. (ჩატარებულია 28 სხდომა განხილულია 174 საკითხი) ურბანული დაგეგმარებისა და საქალაქო მეურნეობის კომისიის წევრი (ჩატარებულია კომისიის 25 სხდომა, განხილულია დღის წესრიგით გათვალისწინებული 813 საკითხი) და ეკონომიკური განვითარების, საინვესტიციო პოლიტიკის და საერთაშორისო ურთიერთობების კომისიის წევრი. (ჩატარებულია კომისიის 10 სხდომა, განხილულია 15 საკითხი). ქ. თბილისის მუნიციპალიტეტის საკრებულოში ჩატარებულია 27 სხდომა (მიღებულია 496 განკარგულება და 93 დადგენილება)

ჩემი ოფისი 2017 წლის იანვრიდან ფუნქციონირებს მისამართზე: მესხიშვილის შეს.12. ტელ: 2-27-62-62. სადაც განთავსებულია პარლამენტის წევრის, ისნის მე-9 ოლქის მაჟორიტარი დეპუტატის დავით ჭიჭინაძის ბიურო. ისნის რაიონის დეპუტატები ყოველდღე, შაბათ-კვირის გარდა, 10⁰⁰ -18⁰⁰ საათებში, ვახორციელებთ მოსახლეობის მიღებას ყოველგვარი წინასწარი ჩაწერისა და რიგის გარეშე და ერთობლივად, კომპეტენციის ფარგლებში, მათი პრობლემების გადაჭრას. სულ ოფისიდან გასულია 157 შუამდგომლობა, ისნის რაიონის გამგებლის სახელზე -116, მათ შორის: 7- შუამდგომლობა ოპერაციის დაფინანსებაზე, 60- მკურნალობის, კვლევის, კლინიკის მიმართ დავალიანების და მედიკამენტების დაფინანსებაზე, 7 - ერთჯერადად ფინანსური დახმარების გაწევაზე, 6- გარდაცვლილის ოჯახისათვის დაკრძალვის სარიტუალო ხარჯების ანაზღაურებაზე , 2- ბინის ქირით უზრუნველყოფაზე, 34 - ეზოს , საბავშვო მოედნების, ქუჩის ინფრასტრუქტურის მოწყობაზე, სახლების სახურავებისა და შენობების, ლიფტების შერემონტება-გამაგრებაზე და სამშენებლო მასალებით დახმარებაზე. მონიტორინგის მიზნით გამგეობიდან ყოველი კვარტლის ბოლოს ვითხოვ სტატისტიკას გაგზავნილ შუამდგომლობებზე გაწეული დახმარებების შესახებ.

ასევე გაგზავნილია შუამდგომლობები ქალაქ თბილისის მერიაში 26, საქართველოს შრომის, ჯანმრთელობისა და სოციალური დაცვის სამინისტროში 3, იუსტიციის სამინისტროში 1, შპს „თბილისერვის ჯგუფ“-ში 1, საქართველოს ენერჯეტიკისა და წყალმომარაგების მარეგულირებელ ეროვნულ კომისიაში 3, სს „თელას“-ში 2, შპს „ჯორჯიან უოთერ ენდ ფაუერ“-ში 3, სატრანსპორტო კომპანიაში 1.

რაიონის მოსახლეობის პრობლემებიდან გამოვყოფდი რამოდენიმეს:

1. წლების წინ მეტროს მშენებლების ოჯახებზე და სამხედრო მოსამსახურეებზე გადაცემული ე.წ საუწყებო სახლები რომლებიც არ არის გაფორმებული, შესაბამისად ვერ ხერხდება მათი გაზიფიცირება და ელმომარაგება. ვაწარმოებთ მოლაპარაკებებს ქალაქის თვითმმართველობასთან, ეკონომიკის და თავდაცვის სამინისტროებთან, რათა გახდეს შესაძლებელი მოსახლეობისათვის ისეთი მიწების ლეგალიზება, რომლებიც დაიკავეს ათეულობით წლის წინ, შესაბამისად საცხოვრებლების გაფორმება, მათი ბუნებრივი აირითა და ელექტროენერგიით უზრუნველყოფა.

2. ისნის რაიონში რაოდენობრივად უფრო მეტია ამორტიზირებული, სახლები და ქუჩები ვიდრე დედაქალაქის სხვა რაიონებში, რომელთა შეკეთება მიმდინარეობს ეტაპობრივად და შეძლებისდაგვარად, ქალაქის მერიისა და რაიონის გამგეობის ძალისხმევით. არის ისეთი სახლები რომლებიც არ ექვემდებარება შერემონტებას, არსებობს ექსპერტიზის ბიუროს დასკვნა, მაგრამ მინიჭებული აქვს ისტორიული ძეგლის სტატუსი (მეტეხის უბანში და პრეზიდენტის სასახლის მიმდებარედ) და გამწვანებულია მათზე დანგრევის ნებართვის მოპოვება, შესაბამისად ინვესტორის მოძიება და მოსახლეობის საცხოვრებელი ფართებით დაკმაყოფილება. რაც ქმნის მათი ჩამონგრევის საშიშროებას და წარმოადგენს საფრთხეს მიმდებარედ მცხოვრები მოსახლეობის სიცოცხლისთვის. ასევე პრობლემურია მეტრომშენის დასახლებაში არსებული წყალსაქაჩიდან გამოსულ მილების მდგომარეობა, რომლებიც დაზიანებულია, ჟონავს წყალი, შედის მოსახლეობის ეზოებში და აზიანებს მათ სახლებს.

განსაკუთრებით გამოვყოფდი ჩემს მონაწილეობას იმ პრობლემის მოგვარებაში რასაც ერქვა დანგრევისპირას მისული კორპუსების გამაგრება. ქეთევან წამებულზე, ავლაზრის მეტროს უკან, მეტრომშენში, გზის მიმდებარედ საყრდენი ბეტონის კედლების გაკეთება, რომლებიც ამაგრებენ მცოცავ ნიადაგს და შპს „ჯორჯიან უოთერ ენდ ფაუერი“-ს მიერ მოსახლეობისათვის მიყენებული ზარალის ანაზღაურებას. ასევე აღსანიშნავია ელიიდან ნიაბის ქუჩის გაგრძელებაზე გაკეთებული ახალი, სვანეთისუბანთან დამაკავშირებელი გზა, რომელმაც საგრძნობლად განტვირთა ცენტრალურ ქუჩებზე საცობები. ღვინის აღმართის რეაბილიტაცია განვითარების ფონდთან ერთად, რამაც კიდევ უფრო შეუწყო ხელი ჩვენი რაიონის ტურისტული პოტენციალის გაზრდას.

3. მოსახლეობის დიდი ნაწილი გამოთქვამდა უკმაყოფილებას სოციალური სტატუსის შეჩერებასთან და შეფასების ახალ კრიტერიუმებთან დაკავშირებით, რასაც ხშირად ახლავდა სოციალური აგენტების მხრიდან უხეში, უპასუხისმგებლო დამოკიდებულება. რაც სამწუხაროდ დღემდე გრძელდება. ჩემი შუამდგომლობით მოხდა სტატუსჩამორთმეული იმ მოქალაქეების საქმეების თავიდან განხილვა და გადამოწმება, რომლებმაც წერილობით მომმართველს ოფისში.

4. გადასახედია ქალაქის ზედამხედველობის საჯარიმო პოლიტიკა. არის შემთხვევები როცა, უსახლკარო, სოციალურად დაუცველ მოქალაქეს გამოწერილი აქვს რამოდენიმე ათას ლარიანი ჯარიმა. მე ვფიქრობ ამგვარი ქმედება არაფრის მომტანია ფინანსურად, არაა გამართლებული მორალურად და საერთოდ წარმოადგენს აბსურდს.

5. მტკივნეულ საკითხად რჩება ე.წ. ხევის არსებობა მეტრომშენში

6. ვმუშაობთ სამომავლო ისეთ პროექტზე როგორცაა, ჩვენს რაიონში საბაგირო გზის მშენებლობა, რომელიც დააკავშირებს სამების ეკლესიას და ელიის მთაზე დღეის მდგომარეობით მშენებარე ფერიცვალების , წმინდათა წინასწარმეტყველთა მოსეს და ელიას, სახელობის ტაძარს და წმინდა დიდმოწამე ქეთევან დედოფლის სახელობის მონასტერს. რაც კიდევ უფრო გაზრდის ჩვენი რაიონის ტურისტულ პოტენციალს. შესაბამისად უნდა გაჩნდეს მეტი სამუშაო ადგილი.

პატივისცემით,

საკრებულოს მაჟორიტარი

წევრი

ილია ჯიშკარიანი